



Planning Inspectorate
Arolygiaeth Gynllunio

Cais gan Uniper UK am orchymyn yn rhoi cydsyniad datblygu ar gyfer Prosiect Pŵer Carbon Isel Cei Connah (EN010166)

Agenda ar gyfer gwrandawriad llawr agored (OFH1):

Darparwyd hysbysiad ynghylch dyddiad, amser, a lleoliad y gwrandawriad llawr agored penodol 1 hwn (OFH1) yn atodiad C i lythyr [Rheol 8](#) yr Awdurdod Archwilio (ExA) [PD-010] dyddiedig 20 Ionawr 2026.

Gwrandawriad	Dyddiad ac Amser	Lleoliad
Gwrandawriad llawr agored 1 (OFH1)	Dydd Mawrth 17 Mawrth 2026 Gwrandawriad yn dechrau am 1600 o'r gloch Cofrestru a seddau ar gael yn y lleoliad o 1530 o'r gloch a phroses gofrestru rithwir o 1545 o'r gloch	Gwesty'r Village - Chester St David's Parc Dewi Sant, Ewloe, Glannau Dyfrdwy CH5 3YB ac yn rhithwir gan ddefnyddio Microsoft Teams Bydd cyfarwyddiadau llawn ar sut i ymuno ar-lein neu dros y ffôn yn cael eu rhoi o flaen llaw i'r rhai sydd wedi rhag-gofrestru

Agenda

1. Croeso, cyflwyniadau, trefniadau ar gyfer y gwrandawriad

2. Diben y gwrandawriad mater penodol

3. Cyflwyniadau llafar gan Bartïon â Buddiant (IPau) a'r rhai nad ydynt yn Bartïon â Buddiant

- Bydd pob Parti â Buddiant sydd wedi rhoi gwybod ei fod yn dymuno siarad yn cael ei wahodd yn ei dro.
- Ar ôl Partïon â Buddiant cofrestredig, bydd unrhyw un nad yw'n Barti â Buddiant sydd wedi mynychu'r gwrandawriad a rhoi gwybod ei fod yn dymuno siarad yn cael cyfle i wneud hynny.
- Yn dibynnu ar nifer y Partïon â Buddiant a phobl nad ydynt yn Bartïon â Buddiant sy'n dymuno siarad, efallai cyfyngir ar gyflwyniadau llafar a wneir gan Bartïon â Buddiant a phobl nad ydynt yn Bartïon â Buddiant i uchafswm o bum munud o siarad, a chyflwyniadau llafar gan sefydliadau, grwpiau, neu gynrychiolwyr nifer o bartion unigol i uchafswm o ddeng munud o siarad.
- Fe allai'r ExA ofyn cwestiynau am faterion sy'n codi mewn cyflwyniadau llafar. Os bydd yn gwneud hynny yn ystod cyflwyniad llafar sy'n cael ei amseru, ni fydd yr amser a gymerir gan yr ExA yn cyfrif tuag at yr amser siarad a ddyrannwyd.

4. Ymatebion gan yr Ymgeisydd

- Gwahoddir yr Ymgeisydd i ymateb i faterion a godwyd a chwestiynau a ofynnwyd gan yr ExA ar lafar ar ôl i'r holl Bartïon â Buddiant a phobl nad ydynt yn Bartïon â Buddiant siarad, neu'n ysgrifenedig erbyn Dyddiad Cau 4 ar ddydd Mawrth 31 Mawrth 2026.

5. Diwedd y gwrandawriad

Diben Gwrandawriad Llawr Agored

Trefnwyd y gwrandawriad llawr agored (OFH) hwn i ganiatáu i'r ExA glywed gan unrhyw Bartïon â Buddiant a phobl nad ydynt yn Bartïon â Buddiant sy'n dymuno gwneud sylwadau llafar i'r ExA a chyfleu eu safbwyntiau ynglŷn â'r datblygiad arfaethedig. Nodir nad yw'r ExA wedi derbyn cais ffurfiol i gynnal OFH, ond cydnabyddir bod nifer o Bartïon â Buddiant yn agos i'r datblygiad arfaethedig wedi cyflwyno sylwadau perthnasol ac y gallent ddymuno gwneud cyflwyniadau ychwanegol i'r ExA wyneb yn wyneb mewn gwrandawriad llawr agored.

Nid oes gan wrandawiadau llawr agored agenda a reolir gan bynciau a chaiff y cyfranogwyr godi unrhyw faterion sy'n deillio o'r cais sy'n bwysig ac yn berthnasol i'r penderfyniad a wneir o dan Ddeddf Cynllunio 2008.

Fe allai pob slot siarad gael ei gyfyngu o ran amser er mwyn tegwch. Efallai bydd yr ExA yn eich atgoffa i orffen tua munud cyn diwedd eich amser siarad a ddyrannwyd. Dylai unrhyw un nad yw'n gallu gwneud ei holl gyflwyniadau llafar erbyn diwedd y gwrandawriad ei ddilyn yn ysgrifenedig.

Nod gwrandawiadau llawr agored yw amlygu materion cynllunio sy'n bwysig ac yn berthnasol. Pan fydd mater wedi cael ei amlygu, ni fydd angen ei ailadrodd o reidrwydd. Mae'n ddigonol dweud eich bod yn cytuno â rhywbeth a godwyd gan siaradwr blaenorol.

Mynychwyr

Dylai unrhyw un sy'n dymuno mynychu'r gwrandawriad wyneb yn wyneb, ond nad yw eisoes wedi rhoi gwybod i dîm yr achos am hyn, wneud hynny cyn gynted â phosibl.

Bydd y digwyddiad yn cael ei ffrydio'n fyw a bydd dolen ar gyfer gwyllo'r ffrwd fyw yn cael ei phostio ar [dudalen we'r prosiect](#) ar y wefan Cynllunio Seilwaith Cenedlaethol yn agosach i ddyddiad y gwrandawriad. Felly, gall Partïon â Buddiant ac aelodau'r cyhoedd sy'n dymuno arsylwi'r gwrandawriad weld y gwrandawriad a gwrando arno gan ddefnyddio'r ffrwd fyw, neu wyllo a gwrando ar y recordiad ar ôl iddo orffen.

Y broses gofrestru

Bydd partïon sydd wedi cofrestru i siarad (wyneb yn wyneb ac yn rhithwir) yn cael neges e-bost sy'n cynnwys cyfarwyddiadau ymuno yn fuan cyn y gwrandawriad. Bydd y neges e-bost hon yn cynnwys dolen i'r digwyddiad rhithwir ar Microsoft Teams, a rhif ffôn os bydd angen iddynt gymryd rhan dros y ffôn. Er mwyn i'r gwrandawriad allu dechrau'n brydlon am **1600 o'r gloch**, dylai'r rhai sy'n mynychu'n rhithwir ymuno am **1545 o'r gloch** i sicrhau bod yr holl fynychwyr rhithwir yn gallu cwblhau'r broses gofrestru mewn da bryd.

Y weithdrefn mewn gwrandawriad mater penodol

Yn ôl y canllawiau o dan Ddeddf Cynllunio 2008 a Rheolau Cynllunio Seilwaith (Gweithdrefn Archwilio) 2010, mater i'r ExA yw archwilio, profi ac asesu'r dystiolaeth trwy ofyn cwestiynau uniongyrchol i'r rhai sy'n gwneud sylwadau llafar mewn gwrandawiadau. Bydd holi yn y gwrandawriad yn cael ei arwain gan yr ExA. Bydd yr ExA yn caniatáu i rywun sy'n rhoi tystiolaeth gael ei groesholi gan rywun arall dim ond os yw'n penderfynu bod hynny'n angenrheidiol i sicrhau bod sylwadau'n cael eu profi'n ddigonol neu fod Parti â Buddiant wedi cael cyfle teg i gyflwyno ei achos.

Bydd y gwrandawriad yn gorffen cyn gynted ag y bydd yr ExA yn penderfynu bod pawb sy'n bresennol wedi lleisio'i farn a bod yr holl faterion wedi derbyn sylw. Os oes materion ychwanegol i'w trin, efallai y bydd angen gohirio rhai materion i gwestiynau ysgrifenedig. Dylai'r dystiolaeth a gyflwynir ar lafar yn OFH1 gael ei chynnwys mewn cyflwyniadau ôl-wrandawriad a'i chyflwyno erbyn **Dyddiad Cau 4** (31 Mawrth 2026).

Y Gymraeg

Rydym yn croesawu cyfraniadau yn Gymraeg yn ystod yr archwiliad. Bydd cyfleusterau cyfieithu ar gael mewn unrhyw wrandawriadau a gynhelir, er mwyn caniatáu i'r rhai sy'n bresennol wneud cyfraniadau yn Gymraeg, os ydynt yn dymuno gwneud hynny.